

ИМАҚЛЫҚ

Қаңигақңбаку лъыган саңнегутақа.

Сивукуль нықыңнапихтақуқ қаңиқатагъюхақ.
Нықыңнапихтақуқ. Рыпаль ынкам тыгмегыт тыңныгмың
ахтугъягутақут пуямсухенам. Нықмың ақсим. Нықыңнапихтақуқ.
Ынкам авупихтақут, калъыхкипихтақут. Агъатахпак, суна
имихтупихтақат, қантагурақ. Таўатын ақсинахқақнан
илисимақыпихтақат.

Авупихтақут нықыхкак: мантак, агвывалъук, натын пеқыкит
. қаңиқ пылъугақнан пигутыпихтақа. Акуна тыгмегитақуқ. Аку-
на нунивак найитук. Ситаманың лъиқа укйъинеқыкит.

— Самың-ам нығақат?

— Тамана амалъи минлъыхсахтың нықыкақат.

Ынкам агвыңылъхағақната, накын ипа нунаның
тутыпихтақут кымгиңгапихлъыгит ют. Ныгынгильхым
кымгимақут. Сама авақутахтуқат гынринаклъуки. Рыпаль
лъыңит ныгылотоқьянатың. Иклъумың. Илет ыглыхсималътың
ынутақут, салугақут.

Илет тутақут агвыгмун-ам, агвыгмың ныгывалъақут.
Пилалъыгмың амалъи икулъыгмың ныгывалъальтың
ақитухтақут. Нынлутегын агвыңумалге анлъупигмың упынгами.
Гъасақ наңытыпихлъуку игунапен пиламат. Нықыңыпихсимат,
накам гъарат питақуқ нықңитақуқ.

Акуна айвығахпынаки Нувуками.

Ынкам-ам ақылъқақ накын ипа тутыпихсимаўқ минагнелге.
Этам игунапен акуна нуна ныгыфкамат таўани.

Укйъогаку-ам атыхта. Мугульге. Лъыган атыхтыпихта. Гу-
ентолам кулигатетыкут. Тага Нынлю атыхта. Кийыпен. Илет
анахтут. Таўхкын гъатын унуга. Агулелихсима анихта. Таўани
ыглыхтыпихтақьялге. Агулегумаўқ. Илупут лъыган сиглыгоқут.
Унухпак қавангитукут. Накам унук таклъиюхаглуку.